

上清太上開天龍蹻經卷之五

十

上清太上開天龍蹻經卷之五

連十

元始化身而立三清三十六相元置品

第十一

甯君告黃帝曰吾昔承天尊於大羅天爲諸天帝而演太上開天元置品經託身立相境界

連十

垂形玄元始氣九聖通體七十二相遍備天人九色身光洞朗明徹上部九變三境通形中部九孔九一通化下部九名九土通神三十六相三宮通顯頭象大羅圓通无礙腦有九宮九天應身心有九孔九聖洞明下部九

名應垂生體腦九宮者第一太皇宮太上君
后居之第二玉帝宮玉清神君居之第三天
庭宮上清神君居之第四極真宮太極神君
居之第五玄丹宮真君居之第六流珠宮神
仙居之第七丹田宮上元赤子真人帝君之
卿天帝君居之第八洞房宮左有无英公子
右有白元君中爲黃老三魂居之第九明堂
宮左有明童真官右有明女真官中有明鏡
真官居之太一真人是腦之精生人三元九
宮生神也中一絳宮心有九孔通於九真中

元真人居其中宮丹皇君輔皇卿共治絳宮
而守絳宮九真之道與物混通應爲至人變
現无方應爲聖人真淳妙化應爲真人普度
遷昇應爲仙人神通无礙應爲神人達有通
无應爲靈人妙辯通微應爲賢人抱道懷德
應爲道人功行兼濟應爲行人心有九孔應
生九人九種通方備中一相也下元嬰兒守
元陽宮位爲黃庭元王右有保弼卿而守下
一黃庭宮桃康命君精通玄象紫霞三市黃
雲四纏胞胎命門生神之主上通九天下通

九地内生一身而為九神上有九人三三為
位左有韓眾右有范蠡中有大成子左腎為
司徒公右腎為司空公中有太一君左有青
腰玉女右有白素玉女中有玄光玉女玄光
玉女者道之元氣生成之母下我下一胞胎

連十

二

之府三清妙化九氣降神生人三宮二十七

位內合九神三十六相也

元始化身而生三界三十六相元置品第十

二人

甯君告黃帝曰吾昔承天尊於大羅天而演

太上開天元置品經託身立相應體生天開
化人神普垂色象上爲三清无形化主三十
六天尊降生三界應化立形三十六天帝二
景通運五合生成各爲天關天皇大帝東極
中辰中央星也吾爲上首作生人父也從道
父母寄備因緣託化陰陽而成有體青陽元
氣爲太陽精東王父也太和之氣以爲陰精
西王母也上結四梵三界頂天下治崑崙上
通九氣金城九重玉樓十二總統二景四運
璇關上生人目日月通光下生兩乳爲日月

會日夜昇降否泰互差天人同道幽顯見異
三清三尊帝一太一帝君等神通生天人皆
稟氣象无量妙一結爲紫戶天中玉氣上爲
腦精頭圓法天頂爲玄蓋百神靈宗身生窟
宅津液山源一身命主頭爲高臺象天崑崙

連十

三

髮是明堂晨辰臨精腦有九宮三清通貫面
爲尺宅真人之宮上關七戶七元相通身爲
玉樹足爲地關口爲心關手爲天關眉是白
元爲人華蓋上爲交止而合三元帝君生氣
以養神童左右真人通光徹視自是太一通

神日月左爲王父陽景滋軀右爲王母陰光
定體鼻爲天門通天玉液金匱之鄉神之門
戶上挾日月歸於中斗營室之中璇璣玉衡
口是絳宮心之朱淵舌爲靈根五音金鑰无
英公子長生龍輶齒爲茂胎胃宮威刀耳是
帝君通響聰門喉爲玄關職池之精受符復
下傳付太倉腸爲氣城腹爲氣邑腎爲玄谷
上應南斗大腸三十六盤命稟三十六天小
腸各有二丈四尺普感八景二十四帝下元
玄氣爲大鴻臚中元元氣爲八十一元士上

元始氣爲高車使者通神上皇九天玉帝也
膽爲天子大道君脾爲皇后貴女心爲太尉
公左腎爲司徒公右腎爲司空公肝爲青陽
東宮主鍊三魂蘭臺府肺爲玉堂西宮主鍊
七魄尚書府心爲絳宮朱雀關門元陽府腎
爲北極幽關玄武內門幽昌宮太和府脾爲
明堂宮侍中內侍省門太素府內爲太倉天
子之厨吾之舍也膽爲紫微宮无極府胃爲
上海日月所宿臍爲下海日月更處中有神
象呼吸流氣作爲風雨通行四支无不周至

臍傍五藏神也十二朱樓十二子也外
有八神八景匡識內生人身應天八節三焦
神六人左社右稷風伯雨師雷公霹靂以爲
震動而起識神上下陰陽日月通宿崑崙弱
水晃晃玄玄冥冥之淵日月之行故天晝日

定十

四

日下照於地萬物皆得其明人亦法之晝日
日下照於臍下故萬物皆得其明夜日在胃
中上照胃中萬神遊戲相與語言人識交故
所以有夢也故上三洞玄元始氣三合生神
上元始氣生人上一華蓋之下泥丸上官上

元赤子上通天氣位爲腦精泥九天帝右有
帝卿守人上宮三魂七魄五日一來而朝受
事也中一絳宮元氣所生中元真人生人中
宮右有輔皇卿共治中宮主四支五藏筋骨
五內三魂七魄三日一來而朝受事也下一

黃庭宮玄氣所生下元嬰兒守元陽宮位爲
黃庭元王右有保鎮弼卿共守命門津液之
神三魂七魄一日三來而朝受事也三洞流
布九氣結形三十六天同爲滋身相髮爲青
城君頭爲三台君兩眉爲八極君兩目爲玄

爽君左耳爲聰明君右耳爲決明君鼻爲天
戶君口爲牙門君脣爲玉戶君齒爲二十八
極元仕君舌爲元極君咽爲校尉君喉爲九
卿君肝爲絳宮君肺爲玄爽君膽爲長命君
心爲丹田君脉爲紫帛君胃爲太倉君脾爲

達十

五

黃庭君左腎爲玄妙君右腎爲元正君大腸
爲太倉君小腸爲導引君腹爲大道君三焦
爲玄老君左脚爲小車君右脚爲徘徊君左
足爲雷電君右足爲雲氣君天尊言三十六
生氣君者應起吾身通生相體普植天人同

滋識用也天尊言若八危疾恐怖不安誦念
生神聖降神就生道增益命盡更延若識生
源冥通上境天人相貫上感玄根八景鑒明
九天通識身神響應影赴隨形容意生愆禍
從外剋罪福報應毫分无差境界法門念隨
心立欲尋玄路舉趣日前志靜神清道通无
礙也

元始化身通生境界而植人神八十一好元
置品第十三

甯君告黃帝曰吾昔承天尊於大羅天而演

太上開天元置品經元始應體萬象法門三
洞九帝生身法宅三境三界三寶接生九天
九人三乘通感應茲法體普備十方託氣化
形皆稟好象故應化身妙一成立在天天一
在人人一在地地一同感妙一兩半生神三
元肇分八景成別上一散為二十四真中一
散為二十四神下一散為二十四賢三元八
景七十二神依變七十二方經三天各二十
四帝內含九宮八十有一故應九九而生其
好土元八景洞真部中元八景洞玄部下元

八景洞神部三部八景二十四神正是二十四氣氣亦成神神亦成氣散之為雲霧合之為形影出之為造化入之為真一上結三元下結萬物神真變化无有定名百神中皆以三洞三合成德天地之極上境二十四帝者

連十

六

正是下方二十四氣是也二十四帝帝各三元合七十二元元各五神而生三界三百六十三神合為六十四梵氣混氣三十二天帝故生一天三百六十神一人三百六十骨上為三官生人二十七天關中為三官生人二十七

神機下爲三官生人二十七靈節混通三元
八十有一因茲法象而植形神通道生津始
成靈識故應生人八十一好也

甯君告黃帝曰吾昔承元始天尊而演三洞
身光相好應化通生七十二相本跡雙顯上

生三境福力莊嚴无量功德三十六相下生三
界應報見生善惡命根隨緣感宅故應三界三
十六相境界通應以示人天三身各顯七十
二相內明三洞而植其神外顯通生始應天
體於此天象通象生人普植黎元皆稟三洞

三十六門而生神識三十六相三洞通玄七
十二相境界相貫八十一好九九化生三身
應相三度通應皆從九一而生九天九色寶
光通爲九戶遍茲境界廣備太空並感道源
而成識用外通玄象俱是化身內靜虛通是
吾正性也

連十

七

是時黃帝拜受甯君請問大道通生於人甯
君爲演上宣玉帝生天化體應相成人三洞
化形九天合德天人通貫法象齊臨妙一同
滋五德咸備開天要訣釋滯除疑曉洞玄津

邇趣遐感又白請問啓甯君曰三洞聖路元
始通生天通於人人通於道德道修真玄關
何在甯君答曰神符告命萬帝俱朝佩服躡
符三洞通啓九地保舉八景營形聖境真鄉
潛昇往至汝可諦聽受吾躡符昇虛入无皆
從此起經是逕路趣道來由符是玄樞入道
法戶也

黃帝拜謝又白啓曰生天相好感象成軀神
淨身明入道方急志求仙路願示寶文幸及
神顏賜垂聖目請乞受持奉修秘旨

甯君告黃帝曰元始應相境界垂形天人相
通報力隨感九天應化尚自不同九品上人
骨相皆別輕重有異報應无差夙有玄名始
有仙相汝先代有慧慶及今生昇入仙階奉
吾此籙大道無象應相立形應相生天始名
相體凡學仙道未可即成皆藉先緣仙相後
感言龍躡符者雲網躡舉昇虛入无乘氣御
龍上至玉帝元始告命太上為宣方始至於
遣吾傳授也吾今宣道為汝宣經應感見吾
即吾非有道通无外授汝寶章仙籍通天天

亦通汝應合得道名舉將來始受汝符告命
之信也神符神籙元天印門神印神經三天
告始志念吞服六符圓明佩帶靈圖七元通
啓九天命召九地奏名神昇於天經道雙顯
符經異目受說不同次按躡符別為一錄可
傳後代有道聖君密而修之非賢不度也

達十

上清太上開天龍躡經



共收

